

Na osnovu člana 2. Pravilnika o postupku i kriterijima prijema u radni odnos u JZU Centar za fizikalnu medicinu, rehabilitaciju i banjisko liječenje "Ilidža" Gradačac br: 01-533/2018 od 29.03.2018.god., te člana 27. Statuta JZU Centar za fizikalnu medicinu, rehabilitaciju i banjisko liječenje "Ilidža" Gradačac, direktor Ustanove raspisuje

O G L A S
za prijem u radni odnos

- | | |
|-----------------------------------|---|
| 1. Referent javnih nabavki | 1 izvršilac na određeno vrijeme u trajanju od godinu dana, puno radno vrijeme, uz probni rad u trajanju 3 (tri) mjeseca |
| 2. Medicinski tehničar | 1 izvršilac na određeno vrijeme u trajanju od godinu dana, puno radno vrijeme uz probni rad u trajanju 1 (jedan) mjesec |
| 3. Spremačica | 1 izvršilac na određeno vrijeme u trajanju od godinu dana, puno radno vrijeme uz probni rad u trajanju 1 (jedan) mjesec |

Kandidati trebaju ispunjavati slijedeće **opšte uslove**:

1. da je državljanin BiH,
2. da je zdravstveno sposoban za obavljanje poslova za koje se prijavljuje,
3. da nije kažnjavao,
4. da se protiv kandidata ne vodi krivični postupak;

Kandidati trebaju ispunjavati slijedeće **posebne uslove**:

Za poziciju 1. **Referent javnih nabavki** - VSS, Pravni fakultet VII stepen ili 240 ECTS bodova, Rad na računaru, Položen vozački ispit

Za poziciju 2. **Medicinski tehničar** - SSS, Medicinska škola, medicinska sestra/tehničar, položen Stručni ispit, Licenca, Rad na računaru

Za poziciju 3. **Spremačica** - NK, Osnovna škola

Uz prijavu kandidati su dužni priložiti slijedeću dokumentaciju:

1. Diploma o završenoj školi
2. Uvjerenje o državljanstvu
3. Izvod iz matične knjige rođenih
4. PBA 3 obrazac (cips)
5. Kraću biografiju, kontakt telefon

Kandidati koji imaju radno iskustvo poželjno je da za isto dostave dokaze o ranijem radnom iskustvu (preporuke ranijih poslodavaca ili obrazovnih institucija).



Kandidati koji ostvaruju pravo po osnovu Zakona o dopunskim pravima branitelja i članova njihovih porodica ("Službene novine TK" br: 5/12, 5/14) i Pravilnika o jedinstvenim kriterijima i pravilima za zapošljavanje branitelja i članova njihovih porodica u institucijama Tuzlanskog kantona ("Službene novine TK" br: 9/14 i 6/15), da bi bili bodovani i po tom osnovu, dužni su dostaviti i dokaze o ispunjavanju uslova iz navedenog Zakona i Pravilnika, kao i Uvjerenje JU Službe za zapošljavanje TK kojim dokazuje da se nalazi na evidenciji nezaposlenih osoba ili dužini čekanja na posao u struci.

Napomena: Dokumentacija kojom se dokazuje ispunjavanje uslova Oglasa, moraju biti ovjerene kopije. JZU Centar za fizikalnu medicinu, rehabilitaciju i banjsko liječenje "Ilidža" Gradačac nije u obavezi vraćanja dokumentacije koja se prilaže uz prijavu.

Postupak izbora radnika provodi Komisija za razmatranje prijava kandidata u skladu sa postupkom, načinom i kriterijima koji su propisani Zakonom o radu i internim aktima ustanove. U skladu sa internim aktima ustanove Komisija će izvršiti rangiranje kandidata na osnovu vrednovanja slijedećih kriterija:

- a) Dužina čekanja na posao u struci (stepen i profil) evidentiran kod službe za zapošljavanje
- b) Pripadnost boračkoj populaciji (branitelj ili član porodice branitelja)
- c) Intervju

Komisija će na osnovu kvalifikacije, iskustva i vještina izvršiti ocjenu kandidata i sa kandidatima koji ispunjavaju uslove iz oglasa obaviti intervju.

Svi prijavljeni kandidati, pismenim putem, biti će obaviješteni o rezultatima raspisanog oglasa.

Kandidat koji bude izabran, naknadno će dostaviti slijedeću dokumentaciju:

1. Ljekarsko uvjerenje o zdravstvenoj sposobnosti (ne starije od 3 mjeseca),
2. Uvjerenje o nekažnjavanju (ne starije od 3 mjeseca, original ili ovjerena kopija)
3. Uvjerenje o nevođenju krivičnog postupka (ne starije od 3 mjeseca, original ili ovjerena kopija).

Nepotpune i neblagovremene prijave se neće razmatrati.

Prijave na Oglas sa dokazima o ispunjavanju uslova dostaviti lično ili na adresu:
JZU Centar za fizikalnu medicinu, rehabilitaciju i banjsko liječenje "Ilidža" Gradačac,
Hazna bb, 76250 Gradačac

Sa naznakom - Prijava na oglas za prijem u radni odnos-

Prijave se dostavljaju u roku od 8 dana od dana objavljivanja Oglasa u dnevnom listu "Dnevni avaz", web stranici Općine i web stranici JZU Centar za fizikalnu medicinu, rehabilitaciju i banjsko liječenje "Ilidža" Gradačac.

